

- Haud aliter fugiunt — dictu miserabile! — cives
 Flamis ex mediis, mendici luctibus errant.
 Hinc tandem cives vicinas stringere flamas
 Attemptant animo fortes viribusque resumptis,
 50 Vulcanum spargunt et tēdas fontibus arcent¹.
 Ergo solo planat ibi tantum sulphure primum
 Flama duas quicquid structum turres fuit inter²,
 Culmine stat, patitur turris prior, altera salva.
 Tunc iterum terret vulcanus sulphuris arte,
 55 Tum flame³ signa rubeo⁴ dant congrua panno.
 Turribus ex altis clangor sonat horridus eris.
 Quid Prometheus⁵ alto mortalibus ignem
 Surripuit celo? luimus iam, credite, furtum.
 Artibus ergo malis miles non milite tutus,
 60 Curis grandevi⁶ retinent vix oppida summis.
 Ecce locis subito diversis surgere fumus
 Cernitur inmixtus⁷ satis altaque nubila nigrat.
 Hec ubi iam fessi burgenses igne priori
 Percipiunt, propriis sperant⁸ succurrere tectis,
 65 Sero sed veniunt, nam flama ex ethere reddit
 Candentes tabulas, crepitantque cadencia tecta;
 Igne ruunt fissis exusta cubilia saxi,
 Nec plus defendunt substantes culmina muri.
 Interea boreas surgens disperserat alte
 70 Pessimus inmanis conflando turbine flamas.
 Crescere ecclesiis est quis qui crederet ignem.
 Est locus urbe gradu crinita pulchrior alto⁹,
 Montis templa duo sunt, sed stat vertice claustrum.
 Se prius ecce cava templum testudine iactat,
 75 Nam pede stans celso (grate forsan decus urbi est)¹⁰:
 Huc pulchri pueri crinilibus, inscia pubes,
 Censoris iussu festum de more celebrant¹¹
 Matre pia, pingui ventrem leti prius offa,
 Conveniunt niveis mediocres vestibus inde.
 80 Caudato patres circumdant vellere collum,
 Qui Moysi libros tranquilla mente revolvunt

1) 'arcent' (?) Hs. 2) 'hucusque de ponte' am Rande. 3) 'flamas' Hs. 4) 'rubio' Hs. 5) Der Name als 4 Längen zu lesen. Vgl. auch v. 99. 6) 'grandē' durchstrichen, und von derselben Hand 'grandevi' übergeschrieben. 7) 'innixtus' Hs. 8) Ich möchte 'properant' emendieren, das Wortspiel mit 'propriis' liegt so nahe. 9) Der Hügel, auf dem die St. Marien- und St. Severi-Kirchen liegen, zu denen man auf vielen Stufen (greden) hinaufsteigt. Erstere Kirche wurde zuerst vom Feuer ergriffen. 10) Die Klammern stehen schon in der Hs. 11) 'celebrent' Hs.